

**PEMBERITAHUAN PERTANYAAN BERTULIS DEWAN RAKYAT
MESYUARAT PERTAMA, PENGGAL KEDUA,
PARLIMEN KEEMPAT BELAS**

PERTANYAAN : BERTULIS
DARIPADA : Y.B. TUAN AZMAN BIN ISMAIL
[KUALA KEDAH]

SOALAN NO. 102

Y.B. TUAN AZMAN BIN ISMAIL [KUALA KEDAH] minta **MENTERI KEWANGAN** menyatakan pendapatan Kerajaan dari cukai dan semua perkara-perkara yang berkaitan rokok bagi 3 tahun terakhir. Apakah Kerajaan menjangkakan hasil berkaitan rokok akan kurang dengan Larangan Merokok 2018. Jika ya, berapa jumlah pengurangan hasil.

JAWAPAN

Tuan Yang di-Pertua,

Untuk makluman Ahli Yang Berhormat, duti yang dikenakan bagi rokok dan produk tembakau adalah terdiri daripada duti import, duti eksais tempatan, duti eksais import, cukai jualan tempatan dan cukai jualan import. Hasil kutipan bagi rokok dan produk tembakau yang telah diterima oleh Kerajaan bagi tahun 2016 sehingga 2018 adalah sebanyak RM9.88 bilion. Pecahan kutipan duti-duti tersebut mengikut tahun adalah seperti berikut:

Tahun	Kutipan Cukai ke Atas Tembakau, Cerut dan Rokok (RM juta)
2016	3,591.78
2017	3,203.15
2018	3,083.90*

*anggaran

Walau bagaimanapun, implikasi berkaitan Larangan Merokok 2018 masih tidak dapat ditentukan memandangkan penguatkuasaan larangan tersebut masih baharu dan kajian impak ke atasnya akan dilakukan di masa hadapan.